

# De Stellingwarver Biebel

van de stichting Stellingwerfs Eigen

Grindweg 18  
8422 DN Nijberkoop  
Postgiro: 49 08 902  
KvK nr. : 01 104714  
Fiscus: NL8135.89.769.B01  
www.stellingwerfs-eigen.nl

Dr. R. Klooster  
Sluytermanwei 6  
9023AB Jorwert

Ni'jberkoop, 29 september 2005.

Dag Rienk,

Veurige weke zaoterdagmorgen hewwe bi'j et 'Arkje van Rink van der Velde' dit boekien 'Wieshied uut de Biebel in et Stellingwarfs' prissentead. Et was niet massaol mar wel een goeie prissentasie.

We hebben je trouwens mist. Mar ie hebben ok al es zegd daj' dit jaor eins nargens gien tied veur hebben, dat ik neem et je niet kwaolik. Ik hope trouwens wel daj' ankem jaor es wat tied vri'jmaeken kunnen om d'r es brieduut over te praoten. Want ja, we donderen mar deur en mar deur, mar as ie now toch wat dingen hebben waar wi'j van zeggen zollen, 'hawwe dat mar eerder weten...'

Veur oons volgende hoogtepunt loop ik now mit idenen omme, om in 't naojaor 2006 of begin 2007 et Ni'je Testement hielendal op te leveren in ien stevig boek. Die prissentasie wi'k dan misschien wel es benaoderen vanuut de theologische hoeke mit mitwarking van schoelemeesters via doomenees tot an theologen antoe, of zo. Het d'r -bi'j jow weten- al es een symposium west over et geleuven in streektael? Mar es kieken, hoe 't komt.

Ik las in de kraante (LC) daj' ankem zundag weer een dienst in 't Stellingwarfs holen zullen in Oosterwoolde. 'k Was graeg even kommen mar wi'j zitten zundag de hiele dag in Hollaand, dat dat wodt disse keer niks. Aandere keer beter.

Mit een hattelike groet uut de mooie Stellingwarven,  
Piet Bult (0516 – 451038)